

Жаңалық релизи

Алматы уақытымен 12:00/ 0700 UTC 2 қыркүйек, 2025 жыл дейін жариялауға эмбарго

FREEDOM HOLDING CORP. ҚАЗАҚСТАНДАҒЫ ӨНДЕУШІ САЛАЛАР БОЙЫНША PMI®

Соңғы 19 айда алғаш рет жаңа тапсырыстар саны қысқарды

Жаңа тапсырыстардың 2023 жылғы қарашадан бергі ең күрт қысқаруы

Өндіріс қатарынан үшінші ай бойы төмендеді

Сатып алудағы белсенділік пен тауарлық-материалдық қор қайта қысқарды

Тұтынушылар сұранысы әлсіреген соң тамызда Қазақстан өндірушілері жаңа тапсырыс саны қысқарғанын тіркеді.

Соған сәйкес, компаниялар өндірісті қайта баяулатып, жұмыспен қамту мен сатып алуда белсенділік саябырлады. Сонымен қатар іскери сенімі әлсіреп, 2021 жылдың соңынан бергі ең төменгі деңгейге түсті.

Бағаға келгенде, шығын айтарлықтай өсіп, дайын өнім бағасы сәуірден кейінгі ең жоғары қарқында көтерілді.


Freedom Holding Corp. Қазақстан Өңдеу өнеркәсібінің PMI® (Сатып алу менеджерлерінің индексі™) шілдедегі 49,9 мәнінен тамызда 47,9-ға дейін төмендеді. Көрсеткіш қатарынан үшінші ай 50,0 шегінен төмендеп, үшінші тоқсан ортасында бизнес ахуалдың нашарлағанын білдірді. Бұдан бөлек, саладағы жағдай 2022 жылғы наурыздан бергі ең әлсіз деңгейге түсті.

Тамызда жаңа тапсырыстар азайып, 2024 жылғы ақпаннан бергі өсу кезеңін аяқтады. Айтарлықтай құлдырау тіркелмесе де, 2023 жылғы қарашадан бергі ең жеделі болды. Жаңа тапсырыстар қысқарды, сауалнамаға қатысушылар тұтынушы сұранысының әлсірегенін атап өтті.

Жаңа тапсырыстардың азаюы және жабдықтарды жөндеу жұмыстарының уақытша үзіліс алуы тамызда өндірістің үшінші ай қатарынан қысқаруына әкелді. Қысқару қарқыны елеулі болып, соңғы бір жарым жылдағы ең жоғары деңгейге жетті.

Ағымдағы өндірістің қысқаруымен қатар, тамызда компаниялардың болашақ өндіріске деген сенімі де әлсіреді. Көңіл-күй екінші ай қатарынан нашарлап, 2021 жылғы желтоқсаннан бергі ең төменгі деңгейге түсті.

Freedom Holding Corp. Қазақстандағы өңдеуші салалар бойынша PMI Индекс, маус.түзету, >50 = өткен аймен салыстырғанда жақсарған



Дерек 2025 ж. 12-21 Тамыз аралығында жиналған.

Дереккөз: Freedom Holding Corp. S&P Global PMI. ©2025 S&P Global.

Пікір

Ерлан Әбдікәрімов, Freedom Finance Global PLC (Freedom Holding Corp. 100% еншілес компаниясы) Қаржылық талдау департаментінің директоры:

«Тамызда Қазақстанның өңдеу өнеркәсібіндегі іскери белсенділік тағы да күрт түсті. Бұл қолайсыз ахуал – әлсіз сұраныс, тауар нарықтарындағы құбылмалылықтың күшеюі, операциялық шығындардың өсуі, сондай-ақ валюта бағамы мен салық қысымының артуы секілді бірнеше фактордың жиналып қалғанын көрсетеді. Нарық қатысушылары әзірге оптимистік күйде, алайда жылға қатысты үміт соңғы жылдардағы ең төмен деңгейде. Іскери белсенділіктің қалпына келуі макроэкономикалық жағдайдың тұрақтануы, компаниялардың ішкі тұрақтылығын нығайту және саладағы инвестициялық жобалардың өз мезгілінде жүзеге асуымен тікелей байланысты».



Дереккөз: Freedom Holding Corp., S&P Global PMI. ©2025 S&P Global.

Алайда, өндірушілер алдағы жылы өндіріс көлемі өседі деген сенімде. Негізінен өнім түрлерін көбейту және жабдықтарды жаңарту жоспары оптимизге жетелейді.

Өндірістегі қажеттіліктің азаюы және қызметкерлерді қысқартуға байланысты жұмыспен қамту тамыз айында қатарынан үшінші ай төмендеді. Дегенмен шілдемен салыстырғанда сәл баяу. Ал атқарылмаған жұмыс көлемі іс жүзінде өзгеріссіз қалды.

Сатып алудағы белсенділік те қысқарды, әрі бұл соңғы бір жарым жылда алғаш рет тіркелді. Қысқару елеусіз болса да, 2022 жылғы наурыздан бергі ең жоғары деңгейде.


Кәсіпорындар сатып алынған тауар қорының да қысқарғанын тіркеді, шілдедегі болмашы өсімнен кейін аздап төмендеу байқалған.

Компаниялар дайын тауарды тұтынушыға жеткізу арқылы қоймадағы қорды қысқартуға тырысқандықтан, дайын өнім қоры да соңғы алты айдың ішінде бесінші рет азайды.

Тасымалдаушылардың жеткізу мерзімі тұрақталып келеді, кешіктіру баяулап, соңғы төрт айдағы ең төменгі деңгейге түсті. Жеткізу мерзімінің кешігуін респонденттер логистикадағы түйіткілдермен байланыстырып отыр.

Тамызда логистика шығындары да артты, бірақ негізгі фактор ұлттық валютаның әлсіреуі болды. Ресурс бағасы қымбаттағанымен, қарқыны өткен айға қарағанда сәл баяу болды.

Шығындар өскендіктен өндірушілер де сату бағасын көтерді. Инфляция қарқыны қатарынан екінші ай үдеп, сәуірден бергі ең жоғары деңгейге жетті. Дегенмен бұл көрсеткіш қалыптасқан орташа деңгейден төмен болды.



Дереккөз: Freedom Holding Corp., S&P Global PMI. ©2025 S&P Global.

Байланысушы тұлға

Ерлан Әдбікәрімов
Қаржылық талдау
департаментінің директоры
Freedom Finance Global PLC
Yerlan.abdikarimov@ffin.kz
Freedom Holding Corp.

Эндрю Харкер
Экономика жөніндегі
директор
S&P Global Market Intelligence
T: +44 (0) 1491 461 016
andrew.harker@spglobal.com

Қоғаммен байланыс
департаменті
Freedom Finance Global PLC
pr@ffin.kz
Freedom Holding Corp.

Ханна Брук
ЕМЕА елдері бойынша
коммуникация менеджері
S&P Global Market Intelligence
T: +44 (0) 7483 439 812
hannah.brook@spglobal.com
press.mi@spglobal.com

Егер S&P Global жаңалықтар релизін алғыңыз келмесе press.mi@spglobal.com поштасына хабарлаңыз. Біздің құпиялық саясатымыз туралы [осы тұстан](#) оқыңыз.

Әдістеме

Freedom Holding Corp. Қазақстандағы өңдеуші салалар бойынша PMI® 250 жуық өндіруші компанияның сату жөніндегі менеджерлеріне жіберген сауалнамаға берілген жауаптар негізінде S&P Global әзірлеген. Бұл панел ЖІӨ-дегі үлесіне қарай нақты салалар мен компанияның жұмыс күшінің ауқымы бойынша жіктелген. Дерек жинау 2019 ж. наурыз айынан басталды.

Сауалнама жауаптары әр айдың екінші жартысында жиналады және оның алдындағы аймен салыстырғандағы өзгеріс бағытын көрсетеді. Таралу индексі әр сауалнама айналымы үшін есептеледі. Индекс - «жоғары» жауаптар пайызының қосындысы және «өзгермеген» жауаптар пайызының жартысы. Индекс 0 мен 100 аралығында құбылады, 50-ден жоғары мән алдыңғы аймен салыстырғандағы жалпы өсімді, 50-ден төмен жалпы қысқаруды білдіреді. Индекс маусымға қарай түзетіліп отырады.

Негізгі көрсеткіш - Сату жөніндегі менеджерлер индексі™ (PMI). PMI - келесі бес индекстің орташа есептелген мәні. Жаңа тапсырыстар (30%), Өндіріс (25%), Жұмыспен қамту (20%), Жеткізіп беру уақыты (15%) және Сатылым қоры (10%). Жеткізіп беру уақыты бойынша PMI есептеу үшін өзге индекстермен салыстырмалы бағытта қозғалатындай етіп алмастырылады.

Базалық сауалнама деректері жарияланған соң қайта қаралмайды, бірақ маусымдық түзету факторлары қажет кезде қайта қаралуы мүмкін, бұл маусымға орай түзетілген кейбір деректерге ықпал етеді.

PMI сауалнама әдістемесі туралы толық ақпарат алу үшін economics@spglobal.com поштасына жазыңыз.

S&P Global ұсынған PMI

Сату менеджерлері индексі™ (PMI®) сауалнамалары қазір 40 астам мемлекетте, оған Еуроаймақты қоса отырып, маңызды өңірлерде жүргізіледі. Бұл аса мұқият зерделенетін әлемдік бизнес сауалнама, ол уақтылы, дәл және әдетте ай сайынғы экономикалық трендтердің айрықша индикаторы болатын деректерді ұсынатындықтан, орталық банктер, қаржы нарықтары, бизнестегі шешім қабылдаушы тұлғалар арасында танымал.

www.spglobal.com/marketintelligence/en/mi/products/pmi

Ескерту

Осы құжаттағы мәліметтердің зияткерлік меншігі не лицензиясы S&P Global және/немесе оның еншілес компанияларына тиесілі. S&P Global алдын-ала жазбаша мақұлдасқан деректі кез-келген түрде рұқсатсыз қолдану, оның ішінде есепсіз көшіру не басқаша пайдалануға тиым салынады. S&P Global осы құжатта баяндалған мазмұн немесе ақпарат («Деректер»), Деректердегі кез келген қателік, шатасу, олқылық немесе кідірістерге қатысты және соларға сүйеніп жасалған әрекеттерге қатысты ешқандай жауапкершілік, міндеттеме немесе жүктеме алмайды. S&P Global Деректі қолданудан туған кез-келген арнайы, кездейсоқ немесе жанама шығындар үшін жауап бермейді. Сату менеджерлерінің индексі™ және PMI® сауда белгісі - S&P Global Inc тіркеген немесе S&P Global Inc және оның еншілестері лицензияланған сауда белгісі.

Бұл контентті S&P Global Ratings емес S&P Global Market Intelligence жариялады және алдыңғы аталған ұйым S&P Global құрамындағы жеке құрылым. Тиісті тараптан алдын-ала жазбаша рұқсат алмаған жағдайда рейтингді қоса («Контент») ақпаратты, дерек пен материалды көшіріп басуға тиім салынады. Сол тарап, оның еншілестері мен жеткізушілері («Контент жеткізушілері») кез-келген Контенттің нақтылығы, адекваттылығы, толыққандылығы, уақтылы болуы, оған қол жеткізілуіне кепілдік бермейді және (салғырттық немесе басқа) себебіне қарамастан кез-келген қателік немесе мүлт кетуге, осындай Контентті қолданудан туған нәтижеге жауап бермейді. Контент ұсынушылар ақпаратты кез-келген қолданудан туындаған (кірісті немесе пайданы жоғалту және балама шығындарды қоса алғанда) кез келген залал, шығын, зиян, сот алымдары немесе қаржылай шығыстар үшін жауапкершілік алмайды.

Freedom Holding Corp.

Freedom Holding Corp. әртарапандырылған қаржылық қызмет көрсететін компания, брокерлік қызметпен, бағалы қағаздар саудасымен, инвестициялық зерттеулермен және консультация берумен, инвестициялық банктік және андеррайтингтік қызметтермен, ипотекамен, сақтандырумен, телекоммуникациямен, әуе билеттері мен мәдени және спорттық іс-шараларға билеттерді онлайн сатумен айналысады, онлайн супермаркет қызметтерін және басқаларын ұсынады.

Freedom Holding Corp. компаниясының еншілес компанияларын ескере отырып, 7,5 мыңнан астам қызметкері бар.

Холдингтің бөлімшелері мен еншілес компаниялары Қазақстан, АҚШ, Кипр, Польша, Испания, Өзбекстан, Әзірбайжан және басқаларын қоса алғанда 22 елде орналасқан.

Freedom Holding Corp. компаниясының жай акциялары АҚШ-тың Бағалы қағаздар және биржалар жөніндегі комиссиясында тіркелген және Nasdaq Capital Market-те FRHC тикерімен саудаланады.

www.freedomholdingcorp.com

S&P Global

Негізгі ақпаратты жеткізуші S&P Global (NYSE: SPGI). Үкімет, компаниялар және жеке тұлғалар сенімді шешім қабылдауы үшін, біз оларға қажет нақты деректер, тәжірибе және жүйеленген технология ұсынамыз. Клиенттердің жаңа инвестицияларды бағалауына көмектесіп, оларға ESG мәселесі бойынша кеңес беріп, жеткізу тізбегіндегі энергияның жаңа көзіне ауысуына ықпал ету арқылы біз жаңа мүмкіндіктер ашамыз, мәселелерді шешіп, бүкіл әлемдік прогресті тездетеміз.

Әлемдегі көптеген жетекші компаниялар кредит рейтингін жасау, мақсатты көрсеткіштер, әлемдік капитал, шикізат және автокөлік нарығындағы еңбек ағынын басқару әрі талдау мақсатында бізге жүгінеді. Әр ұсыныс арқылы біз әлемдегі жетекші ұйымдардың болашағын бүгін болжуына көмектесеміз.

www.spglobal.com